

**Pisortanit aqunneqartumik cannabisip inerteqqutaajunnaartinneqarneratigut hashimik eqqussisarnerup, eqqusseriaraluarnermi toqusoqartarnerata, hashimik unioqqutitsilluni tuniniaasarnerup tigummiartaarnerullu kiisalu aningaasanik Kalaallit Nunaannit annissisarnerup akiorneqarsinnaanerata pillugu apeqquqteqaat aallaavigalugu oqallinnissamik siunnersuut.**

(Inatsisartunut ilaasortaq Aqqalu C. Jerimiassen, Atassut)

## **Akissuteqaat**

(Meeqqanut, Inuusuttunut, Ilaqutariinnut Peqqissutsimullu Naalackersuisoq)

Naalackersuisut sinnerlugit Inatsisartunut ilaasortaq Aqqalu C. Jerimiassen, Atassut, hashimik anngiorluni eqqussisarnermik pillugu oqallinnermik aallartitsisimanagera qutsavigerusuppara.

Inuit inuunerannik akeqartumik hashimik unioqqutitsilluni eqqussisarnerit tuniniaasarnerillu Naalackersuisut annertuumik ajornartorsiutitut isumaqarfigimmassuk nalornissutigineqassanngilaq.

Naalackersuisut isumaqarput, inerteqqutaajunnaartitsineq inuiaqatigiitsinnut qanoq ajortunik pitsaasunillu kinguneqarsinnaanersoq pillugit uppersarnerneqarsinnaasunik ilisimasanik naammattunik peqaqqaarani hashimik inerteqqutaajunnaarsitsinissamik sulissuteqarneq mianersuunneqartariaqartoq. Tamatuma saniatigut suliarmut ilisimasaqarfii ullut tamaasa suliassaqarfimmi, soorlu atornerluisunik katsorsaavinni, politiini, peqqinnissaqarfinni kommuninilu sulisut tusaaniarnissaat pingaaruteqarpoq.

Ilisimareerparput hashimik atuineq innarliinermik amerlasoorpassuarnik, peqqissutsimut inuuniarnikkullu isiginngitsuusaarneqarsinnaanngitsunik kinguneqarsinnaasoq. Innarliinermik kingunerit sakkortusinnaasut sivisusinnaasullu, assersuutigalugu annilaanganeq, tarnikkut perulunnerit, anersaartuutitigut nappaatit kræfteqalernerlu. Cannabisimik atuinikkut eqqaamasinnaassuseq aallussisinnaassuserlu ajoquserneqarsinnaapput tamannalu ilinniakkamik suliassamilluunniit ajornakusoortumik naammassisaqarnissamut ajoqutaasinnaavoq<sup>1</sup>.

Siunnersuuteqartup nammineq erseqqissaatigisaatut, hashimik inerteqqutaasumik pisinermi tuniniaanermiillu aningaasat nunatsinniit anianerat ajornartorsiutaavoq. Aningaasat inuiaqatigiinnut iluaqutissat nunatsinniiginnarsimasinnaagaluartut.

---

<sup>1</sup> Sundhedsstyrelsen (2022) Cannabis som rusmiddel – Den aktuelle viden om rusvirkninger, skadevirkninger og udbredelse [https://www.sst.dk/-/media/Viden/Stoffer/Oversigt-over-stoffer/SI%C3%B8vende-stoffer/Notat-om-cannabis.ashx?sc\\_lang=da&hash=AB0F87CDA3E1791103F4325CD7725703](https://www.sst.dk/-/media/Viden/Stoffer/Oversigt-over-stoffer/SI%C3%B8vende-stoffer/Notat-om-cannabis.ashx?sc_lang=da&hash=AB0F87CDA3E1791103F4325CD7725703)

Eqqorpoq nunat ilaat cannabisimik atuineq inerteqqutaajunnaarsinnikuuat. Piffinni allani hashimik inerteqqutaajunnaarsitsinerit unioqqutitsilluni tuniniaasernerit annikillisissimangikkaat eqqumaffigaarput, hashit inerteqqutaasut akii amerlanertigut appasinnerusarmata. Taamatuttaaq ilanngaaserisutigut nakkutilliineq pitsaavallaanngitsoq, hashimillu eqqussuinerit angalasunik nassiussanillu nakkutilliisarnermut annertunerusunik aningaasaliinikkut annikillisarneqarsinnaagunartut eqqumaffigaavut.

Naalackersuisut inerteqqutaajunnaarsitsisimasut inuiaqatigiivinut inuillu peqqissusaannut qanoq kinguneqarsimanersut misissornissaat ammaffigaat. Tamatumunnga atatillugu misilittakkat tamakku Kalaallit Nunaanni pissutsinut nuunneqarsinnaanersut misissornissaat aamma naleqquttuussaaq. Naalackersuisut annertunerusumik inerteqqutaajunnaarsitsinissamik aalajangiisoqartinnagu innuttaasut aalajangiisartullu pitsaaqutinik ajoqutinillu naammattumik ilisimasaqarnissaat pingaaruteqartoq isumaqarput. Suliamut tassunga Naalackersuisut peqataarusussinnaalluarput.

Taamatut oqaaseqarlunga oqallilluarnissamik kissaappassi.